

Na osnovu člana 257. stav 1. tačka f), a u vezi sa članom 303. Zakona o privrednim društvima („Službene novine FBiH“, broj: 81/15), člana 12. Zakona o javnim poduzećima ("Službene novine Federacije BiH", broj 8/05, 81/08, 22/09 i 109/12), člana 8. Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije BiH“, broj: 12/03, 34/03 i 65/13), člana 11. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj: 11/19), a u skladu sa članom 49. Statuta J.P. „RAD“ d.o.o. Lukavac i Odluke o raspisivanju o raspisivanju Javnog konkursa za izbor i imenovanje direktora Javnog preduzeća za komunalne i zanatske usluge „RAD“ d.o.o. Lukavac broj: 02-10-5265/23 od 31.10.2023. godine, Nadzorni odbor Javnog preduzeća za komunalne i zanatske usluge „RAD“ d.o.o. Lukavac na 34. (tridesetčetvrtj) redovnoj sjednici održanoj 30.10.2023. godine, raspisuje

## JAVNI KONKURS

za izbor i imenovanje direktora

Javnog preduzeća za komunalne i zanatske usluge „RAD“ d.o.o. Lukavac

### I

Objavljuje se Javni konkurs za izbor i imenovanje direktora Javnog preduzeća za komunalne i zanatske usluge „RAD“ d.o.o. Lukavac, na mandatni period od 4 (četiri) godine.

Direktor je nadležan da:

- vodi poslovanje Društva i samostalno donosi odluke u vodenju poslovne politike u okviru programa rada i planova razvoja Društva,
- predlaže Nadzornom odboru i Skupštini program rada i plan razvoja Društva,
- priprema i predlaže Nadzornom odboru i Skupštini opća akta Društva i odluke iz poslovanja Društva za čije su usvajanje nadležni Nadzorni odbor ili Skupština,
- zastupa Društvo prema trećim licima u okviru djelatnosti Društva,
- podnosi Nadzornom odboru izvještaje o poslovanju Društva po periodičnom i godišnjem poslovanju,
- odgovoran je za zakonitost rada u Društvu,
- donosi odluke o potrebi zasnivanja radnog odnosa sa radnicima u skladu sa općim aktima, prima u radni odnos i raspoređuje radnike u Društvu, te imenuje radnike sa posebnim ovlaštenjima i odgovornostima,
- donosi rješenja o prestanku radnog odnosa u slučajevima predviđenim zakonom i općim aktima Društva,
- ima i druga prava i obaveze utvrđene općim aktima Društva i zakonom.

### II

Kandidat treba da ispunjava opšte i posebne uslove, i to:

#### ) opšti uslovi

1. da je državljanin Bosne i Hercegovine (dokaz: uvjerenje o državljanstvu, ne starije od šest mjeseci, pri čemu se navedeni rok računa od dana izdavanja uvjerenja od strane nadležnog organa do dana predaje prijave na Javni oglas, original ili ovjerena fotokopija),
2. da ima prebivalište u Bosni i Hercegovini (dokaz: Obrazac PBA-3 - Obavještenje o mjestu prebivališta-boravišta (CIPS), ne starije od 30 dana pri čemu se navedeni rok računa od dana izdavanja uvjerenja od strane nadležnog organa do dana predaje prijave na Javni oglas, original ili ovjerena fotokopija;

3. da je osoba starija od 18 godina, a mlađa od 65 godina na dan imenovanja (dokaz: Izvod iz matične knjige rođenih - neograničeni rok važenja, original ili ovjerena fotokopija),
4. da nije otpušten iz državne službe, kao rezultat disciplinske mjere na bilo kojem nivou vlasti u BiH, u periodu od tri godine prije dana objavljivanja ovog konkursa (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
5. da se na kandidata ne odnosi član IX tačka 1. Ustava BiH (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
6. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije BiH“, broj: 12/03, 34/03 i 65/13) (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
7. da nije osuđivan za krivično djelo i privredni prijestup nespojiv sa dužnošću direktora preduzeća, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
8. da nije osoba kojoj je presudom Suda zabranjeno obavljati dužnosti iz nadležnosti direktora preduzeća (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca),
9. da ne podliježe ograničenjima utvrđenim odredbama člana 252. Zakona o privrednim društvima i da nema direktni ili indirektni finansijski interes u preduzeću (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca).
10. ne obavlja dužnost, aktivnosti ili da nije na položaju koji dovodi do sukoba interesa shodno Zakonu o sukobu interesa u organima vlasti u Federaciji BiH („Službene novine Federacije BiH“, broj: 70/08) (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca).
11. da ne podliježe ograničenjima utvrđenim u članu 252. Zakona o privrednim društvima Federacije Bosne i Hercegovine („Službene novine FBiH“, broj: 81/15) (dokaz: Izjava kandidata svojeručno potpisana, a potpis na izjavi ovjeren od strane nadležnog organa, ne starija od tri mjeseca)
2. da ima opću zdravstvenu sposobnost za obavljanje funkcije za koju se kandiduje.

### **Posebni uslovi**

1. da posjeduje visoku stručnu spremu - VII stepen, odnosno visoko obrazovanje koje se vrednuje sa najmanje 240 ECTS, tehničkog ili društvenog smjera (dokaz: univerzitetska diploma o sticanju VSS, VII stepen stručne spreme, odnosno visokog obrazovanja ciklusa studija koje se vrednuje sa 240 ECTS bodova),
2. da ima najmanje 3 (tri) godine radnog iskustva nakon sticanja visoke stručne spreme (dokaz: Potvrda ili Uvjerenje poslodavca o radnom iskustvu nakon završene visoke stručne spreme),
3. komunikacijske i organizacijske sposobnosti, poznavanje propisa vezano za djelatnost i rad preduzeća i upućenost u sadržaj i način rada organa upravljanja privrednih društava;
4. da ponudi Program rada za mandatno razdoblje na koje se imenuje;
5. da je prošao odgovarajuće usavršavanje u skladu sa članom 252. stav 3. Zakona o privrednim društvima i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala („Službene novine FBiH“, broj: 71/09, 33/10, 23/11, 2/12, 80/13, 60/16 i 88/17 i 19/22), odnosno da preuzima obavezu da usavršavanje obavi u roku predviđenom ovom Uredbom (dokaz: Certifikat o završenom usavršavanju izdat od nadležnog organa/Komore ili izjava kandidata ovjerena od nadležnog organa, ne starija od tri mjeseca, da preuzima obavezu da će u roku od šest mjeseci proći stručno usavršavanje i steći certifikat o završenom usavršavanju, odnosno dostaviti važeće uvjerenje o statusu kandidata u postupku usavršavanja iz članka 7a. ove Uredbe.).

### III

Potrebni dokumenti:

1. Potpisana prijava na Javni konkurs, kraća biografija, sa adresom i brojem telefona
2. Dokumenti kojim se dokazuje ispunjavanje opštih i posebnih uslova Javnog konkursa iz tačke II. a) i b) – original ili ovjerena fotokopija po definisanim tačkama, uz napomenu da sve navedene izjave mogu biti tekstualno sadržane na jednom ovjerenom listu.

Komisija za provođenje konkursne procedure zadržava pravo provjere svih podataka iz izjava i drugih dokumenata kandidata.

### IV

Izabrani kandidat dužan je prije stupanja na dužnost direktora priložiti:

1. Uvjerenje o zdravstvenoj sposobnosti - Ljekarsko uvjerenje nadležne zdravstvene ustanove kojim dokazuje opštu zdravstvenu sposobnost i
2. Uvjerenja nadležnog organa za tačke 7. i 8. iz tačke II. ovog Javnog konkursa.

### V

Sa svim kandidatima koji ispunjavaju opšte i posebne uslove Javnog konkursa i koji blagovremeno dostave svu dokumentaciju kako je traženo Javnim konkursom, biće obavljen intervju, o čemu će kandidati biti pismeno obavješteni.

### VI

Ovaj Javni konkurs objavit će se u "Službenim novinama Federacije BiH", dnevnom listu „Dnevni avaz“ i na internet stranici J.P. „RAD“ d.o.o. Lukavac [www.jpradlukavac.ba](http://www.jpradlukavac.ba).

### VII

Ovaj Javni konkurs ostaje otvoren 15 (petnaest) dana računajući od dana njegovog objavljivanja u Službenim novinama FBiH.

### VIII

Položaj, ovlaštenje, odgovornost i prava direktora preduzeća utvrđuju se Ugovorom između Nadzornog odbora i direktora preduzeća.

### IX

Prijave sa traženim dokumentima treba dostaviti lično ili putem pošte na adresu:

J.P. „RAD“ d.o.o. LUKAVAC  
UL. PARTIZANSKI PUT bb  
75300 LUKAVAC

sa naznakom

„PRIJAVA NA JAVNI KONKURS  
ZA IZBOR I IMENOVANJE DIREKTORA  
J.P. „RAD“ d.o.o. LUKAVAC – NE OTVARATI“

Na poledini koverta je obavezno naznačiti ime i prezime, te adresu podnosioca prijave.

Neuredne, nepotpune i neblagovremene prijave neće se uzeti u razmatranje.

Preduzeće nije obavezno vraćati dokumentaciju dostavljenu uz prijavu.

Predsjednik  
Nadzornog odbora

